



تصبحعادجير

تصبحي على خير عمرو حسن

■ الطبعة الأولى ..... يناير 2020

الغلاف: كريم آدم

التصحيح اللغوي: إسلام منتصر

الرسوم الداخلية : أروى دويدار

رقم الإيداع: 2019/27593

الترقيم الدولي: 9-84-977-824

جميع حقوق الطبع محفوظة

186 عمارات امتداد رمسيس 2 - أمام أرض المعارض - مدينة نصر هاتف: 0220812006

rewaq2011@gmail.com facebook.com/Rewaq.Publishing



## sies les sues

رسَايل من عَاشق لحَبيبته

عُمروحُسن

١٣	في غيابة الحب
۲۳	وحشتيني ٢٧
٣٥	الرسالة (١) منّي ليها
٤١	تيتانيك سيناريو بديل
٦٣	الرسالة (٢) منّي ليها
٦٧	-
	شاي بحليب في النزهة الجديدة
	الرسالة (٣) منّى ليها
	عن الفراق
	قصیدة ماکتبهاش نزار
	الرسالة (٤) منّى ليها
	ميم
	كمأيليـق بوردة
64/	الرسالة (٥) منها ليّا
1 2 V	هو
101	مشهد عادي
٥٩	الرسالة (٦) منها ليّا
79	ماخبيش عليكي
٧٥	تقابليني
۸٥	الرسالة (٧) منها ليّا
90	السالة (٨) منهالته
99	الرسالة (٨) منهاليّا
٠٧	السالة (٩) مناما



من سوء حظي أني نجوتُ مِرارًا من الموت حبًا ومن حسن حظي أني ما زلت هشًا لأدخل في التجربة.

محمود درويش







نبدأ منين؟ من صدفة ف الشارع أو شارع الصدفة أو أي شيء مدهش بيتم بين اتنين من التقاء العين أو من حاجات تانية تبدأ من الدنيا مكتبتك على اعتبارها كمين بين احنا والتانيين

ويبدأ التدوين من أول السيرة الصدفة تجمعنا

زي اللي خارج من كافيه بالليل يخبط ف كتف مهندسة بترول أو عاملة ف مصنع تسقط ما بينهم أغنيات صدفة لا يوطوا يجنوها ولايسيبوها تكف


\_تكبر هنا شجرة مجهولة المصدر وشكلها مختلف\_ تنمو بفعل الوقت

وتصير مخازن للطيور والقش البذرة صدفة والفروع علاقات

بالتالي ياحضرات الخطوات أو تمشوا مش شايفين الا تُهملوا الخطوات أو تمشوا مش شايفين هتدوسوا على علاقات وبواقي بني آدمين

ف توخوا بعض الحذر او امعنوا ف النظر جايز تشوفوا اتنين واقع ما بينهم شيء هيكون لبكره طريق يشبه طريق بكرة واتأملوا الحكايات اتأملوا الحكايات في الدنيا ياما حاجات أكبر من الرؤية فبنمشي مانشوفهاش شجرة هنا بتكبر بين حد جه وماراحش وحدراح وماجاش





## في غيابة الحب



يمشي الفراش للنار مشي المسيح ع اليم خطوة بدون أقدام لغريب وجد دارُه

يمشي المحارب لحربه بدون حصان ولاسيف ويمشي عود وسط نوتة ينعي أوتارُه

الحُب ضيفنا اللئيم خفيف الدم حلو الوجه نبقى على وجوده مابينا وننكوي بناره

مكتبتك لا إرادة تبعد خطر ولا إيد بتلمس مطر كل الحاجات حمل قلنظ المكتض أوزاره يبكي القتيل اعتذارًا للي قتله عشان يغفر له صوت ألمه وحفظ أسراره مايلومش شخص مريض على صحيح ما زاروش ويلوم صحيح البدن على مريض زارُه

وكإنه دين بيصب غضبه ع اللي بيه آمنوا ويلاقي أمله وأمانُه فرجه كُفّارُه

هو سعادة محارب من دنوِّ الأجل بسمة شفايفه فعز حروبُه وحصارُه

جنات من النار الشديدة ـ نار من الخيرات سيرع الصراط للمحب اللي غايبة أخبارُه مكتبتك

ليل مستديم م النظر لغياب مالوش آخِر آخر مالوش م النظر غير عين بتختارُه أصوات موسيقى بتخرُّج من مطر ف القلب عزف الكمنجات الطويل لاتنين بينهاروا

لاشك فيه والشك فيه كله إنسان وضله/ شعور شاعِر بأشعارُه

حجة غياب الحبيب مفتوحة أرض وسما والعشق ضل العمى وأسير الأعذارُه

يسعد صباح الجميل اللي ضيَّه مش ف شيء زيّه آمنا بيه وسلمنا ليه وعرفنا مقداره

وإن كان قتلنا وغزلنا نول على كفيه تسلم إيديه اللي خلت قلبنا جارُه

كلمة تنجي غريق ضحكة تبل الريق نظرة تمد طريق وتحلي أسفارُه

لو يبتسم نبتسم وإن صابه حُزن نئن هو المزار اللي من قسمتنا زوّارُه مافيش سواه قِبلة مافيش سواه قِبلة ومافيش سؤال طب ليه؟ ولا فين ف أقدارُه

لا اخترته ولا مال ليك لكنه مرهون بيك وهو فيه كوكب بينقي أقهارُه؟

فينِك ياواخدة الروح وماشية للتوهة العقل ثابت وخانه حتى إنذارُه

غايبة كإنك إيديّافي السلام بالإيد تايهة كإنك عينيا وقت ما يغاروا

وقعة زرار كان ف كُمِّي و لجل تهتمي معتاج أعيط وأخيط كُمِّي بزرارُه

من قبل قيس ما يقولو عنترة يغني وقبل ما المُتنبي يخُط أسفارُه

إنتي بداية القصيدة والختام الصح درويش نزول الشعر وأملُه ونِزارُه

وأنا الصعيدي اللي مش ناسي ومش فاكر فلا منتُّه قبل الصلح ولا منَّه خد تارُه

بيبان عليه ف عنيه وف وقفته وصمته ويبان عليه ف إيديه وف جدُّه وهزارُه

جوّه غيابة حُبِّ وحدتني محدوف وأبويا مش يعقوب والإ إخوتي جاروا Mktbtk لكني بيها اصطدمت وكتف لامس كتف واشتدت النار وانتبهنا لقهوتين فاروا

ف حاسبي وانتي بتمشي فيّا أو منّي لا أنا قد عطف الحُب ولا قد إعصارُه





وحشتيني ٢



غيابك طال وبوّختي في هزار بعدك أنا بعدك عرفت إنّي ماليش بعدك يا أول حاجة أحوِّشها وأشوفها بتتسرق مني أبص من الغياب ع الباب وأقول بالوقت هتحني قعدت أستني واتحوّلت لشطرة ف غنوة الأطلال \_غيابك طال\_ خصامنا مهما كالخاطكل

ماكنش فبالي يقلب جد

ومتطوّح لا عارف أغيب ولا بشكي اللي فيا لحد بقيت زاهد ومش مشغول ولا بوصول وباسكت ولمّا قلبي يقول وباسكت ولمّا قلبي يقول يقول يقول فينك؟

ياريت كل اللي عارفينك.. قالولك إني بيكي بعيش ياريت كل اللي عارفينني.. سابوني ف شكِّي ويقيني ياريت كل اللي عارفينني.. سابوني ف شكِّي ويقيني

رماني الشوق عليكي من يومين فايتين فتحت رسايلك السابقة من الآخر فضلت أقراها وأطلع فوق أطلع فوق أطلع فوق وكل ما تنتهي دمعه تسيل أخرى وكل ما تنتهي جملة يهف الشوق وكل ما تنتهي جملة يهف الشوق

- ما فيش داعي لكلام تاني.. لقيت منك مكالمة الصبح، فيه حاجة؟؟

\_ يا ريت لو شفتي رنّاتي تردِّي حتى برسالة

\_ مالوش لازمة الكلام ده خلاص.. دي آخر مرة أقولهالك ما تتكلمش

- خلاص مش طايقة منى كلام؟

نقطة

علامة استفهام نقط أكتر

تعجب

نقطة

واستفهام

\_ أنا عاوزك يا ريت تتصلي من فضلك

فضلت أقرا فضلت أرجع شهور وأيام شهور وأيام كلام متقال كأنه النار في كومة قش رصاص طالع من الشاشة لقلبي الهش رجعت أكتر Mktbtk

فضلت أرجع وفجأة لقيت كلام أجمل سلام أجمل ورود ووعود كلام في الحب وسنينه جُمل من أغنيات الست فضلت أقرا وكل ما أقلب التفاصيل تزيد سنوات على سنيني رسالة تودي لرسالة أهو رجعتي تحبيني فضلت أرجع كذا فلاش باك وكل ما أراجع الأيام ترُوح دمعتي لعيني فضلت أرجع لحد ما رحت للا حتال وفي الأخر ﴿ Mktbtk لقبت أول وحشتيني

بحطة إيدك الناعمة أنا ما زلت ووزني زي ما هو لكتي تقلت وبمشي لحدما بنسي إني وصلت طباعي ثابته ما اختلفتش برّبي كلاب بسيب واتساب دوا المعدة تلات مرات بفوّت مرتين منهم وكالعادة فيه كام موضوع بيرفض عقلي يحسمهم ورقمي زي ما هو وبرايا نقيض جوه ويفتكرك إذا بهجالي الانساك

وبفتكرك إذا بهنائلي المنافقيا وأقول هنفوت Mktbtk

ياخدني بعدها سرحان

ير د سکوت حبيبك كل يوم بيموت لكن واقف على رجليه وضِحكُه مع الصحاب طالع لكن برضه في شيء في عينيه لا بد الشيء ده يبقى سؤال رفضتي عليه تجاوبيني وحشتيني عشر مرات وأنا بكتب وحشتيني ولو كان الزمن بقى غير ولو حتى الظروف صادّه وحشتيني فرجوع الطير لعش اتهد من مُدَّة بقيتي نشيدي وحكايتياك وصمتي وصوتي ومرايتي

بقيتي نهايتي وبدايتي

ومعجزتي اللي جيت بيها جدع زيي مخبّي الدنيا في جيوبه لكن أشواقه ليكي تبان ومش عارف يخبيها لا عشت معاها يا قلبي و لا لك نبض بعديها بشوف نفسي في ظهر الباب براجع كل لوم وعتاب ومستني الزمن يصفًى وبرد الأمنيات يدفي وتصفالي الظروف مرة وتنسي الدنيا وتجيني بقولك إيه؟! مكتبتك وحشتيني.

Mktbtk






الرسالة (١) متي ليها



الليلة اتذكّرت الوعد اللي وعدتك بيه وعرفت إني غلطت فـ حقك تزعلي مني ده عادي ووارد إنها تبعدي . . لأ مش حقك نزعل على حاجة .. ده عادي وبين كل العشاق إنها يوصل بينًا الموضوع لخصام وفراق! أنا مش قابل أطلع من حضنك وأمشي لفين؟ القمح مالوش هجر سنابل وأنا واعدك إني هاصون عهدك وهلازم دارك وهامون فيه

والأرض اللي أنا فيها بلادك والدرب اللي قصادك هامشيه وإن كانت أيامنا معاندة فافضلي على روح راجلك ساندة وبزيادة خصام السكة اللي بدونك ورطة والضحكة بدونك ضحكة حرام والليل اللي مافيش صوتك ساكنه يتحرّم على قلبي مساكنه والوطن اللي إنتي بعيد عنه تهجرني بيوته وأماكنه فافهمي إني مافيش عندي بعاد وهصالحك وإنتي نخاصاني وعناد بعناد



ياشروق آيامي ونور عيني وقلبي المليان يابيوتي وعفشي وضلايتي وكل السكان وأماني وإحساسي بإني لسّايا بخير تصبحي على خير





باحلفلكم وأنا عارف إنكو مستحيل هتصدقوا لو چاك مماتش كان حبكم للفيلم هيموت للأبد وكان هيصبح في نظركم مفتقد للواقعية ولو نجى ـوماتوا كل الموجودين\_ الفرقة والركاب وقبطان السفينة كان هيصبح فيلم بنهاية سعيدة حتى لو لحن الوداع ودع ختامه واكتفى الصناع بمطاولات سيلين ديون

My heart will go on

فيه ناس بتهدر عمرها فه أوسكار فهتعمل إيه لو فيه حداشر جايزة مضمونة؟ ومجد أكبر مُنتظر متعلقين بوفاة ممثل

قول إن چاك موصلش أصلًا للسفينة فاجئه إعصار ف الطريق عطل وصول القطر ساعة وحين وصوله شاف سفينته في السيناريو بترمي روحها ف المحيط وبتمشي بهدوء للغياب في الحالة دي \_وده الطبيعي\_ فيه زواج أرستقراطي كان هيتم بين روز وبين واحد من الأسر الغنية

Mktbtk

لا داعي أبدًا للمجازفة وربيا كان چاك

مع حذف اسمه وجسمه من كشف السفينة ينقص التُقل اللي عجّل بيها تغرق في هدوء ويجوز مع غيابه تزيد فرص النجاة مساحة ف مسار التدافع

كتف لمسافر يمر من الكابينه لأول السلم أو بطء لاتناشر دقيقة

يساعدوا مركب منقذين تأدي دورها وتبقى اسم على مسمّى «منقذين» لكن وصل ف معاده

وانطلقت سفينة تيتانيك شايلاه

ووصوله طبعًا كان سبب في موت سيناريو معاه في موت سيناريو معاه المراكزة ٢

قول إن چاك ساعة وصوله عينوه كشاف على راس السفينة وقضّى وقته في النظر على اتساع البحر وهدوء المناظر وسمع موسيقي بتندفع من تحت ماقدرش يفهم هل دوار البحر أثّر فيه ولا أصوات السمك صاعد إلى السموات سلالم كان يجوز هيشوف بعين بسيطة شيء كثيف التلج واقف زي أبراج الحراسة وكان هيهتف قبل وكان هيهتف قبل وكان إنه شاف جبل

تلاتين دراع يتحركوا مع بعض يضمنوا لسفينة عملاقة تكمل رحلة ناجحة في وقت كانت محتاجاه لكنه ماتعينش على راس السفينة شركة التصنيع مريضة نرجسية ظنت البحر العريض دمعة رئيس عمال على أي حال

أصبح مجرد وزن على متن الضحية وقضى تلت الوقت يرسم بنت عريانة بعنيه وضحى بالتالي بسيناريو

هيموت ندم بعد نص ساعة عليه

قول إن چاك التفت وروز بتمشي وراه وشاف مصادفة عقدها وأغراه في الحالة دي

هيكون قصاده يا إما يقضي نص وقته بيبتسم للحظ ويفكر بطبقية ف أحلامه القديمة

وف المصير بعد الوصول

أو كان هيسرق عقدها

وبعدها مكتبتك

تشوفه هي يسبك المحال الحس

ويكون فرأقرب منطقة جوة السفينة للنجاة

بشكل متفائل شوية أو بافتراض وده الطبيعي إنها مرت قصاده بدون ماترفع جفنها وتبصله أو هو شافها وقال ياريت من غير مايفتح باب لقصة من الخيال متحاصرة من كل اتجاه بكذا احتمال ويجوز غرامهم خلى مواتير السفينة تدور بسرعة

حلى مواتير السفينة تدور بسرعة وتنهي فرصة ولو بسيطة للنجاة لكنه فضًل يبقى متهور ويمشي فرالطريق اللي اتوعد يكتب نهايته معاه

قول إنه فعلًا حَبُّها وعلَّقها فيه مش خشبة تانية فالمحيط تكفى؟ متر أعرض جنب روز ف اليم؟ مركبة مرت غلط بمكان إضافي؟ سنتيمتر من الجبل مكسور!! إيد زيادة فوقت توقيف التروس فالبحر؟ درجة أعلى ف الحرارة تسيبه عايش نص ساعة؟ أو هبوب إعصار يفاجئه ف الطريق يعطل القطر الكه والمعطل السفينة لكن سيناريو مضاد بيظهر ف الحكاية لو نجح أول سيناريو

وحقيقي چاك مالحقش يركب فه السفينة السيناريو ده بيقول

إنه احترامًا للقدر هيموت إثر ماس كهربائي وهو واقفع الرصيف بيودع الحلم اللي فاته في الحقيقة كل شيء معمول بوقت وكل قصة بتتولد بتخلي من أثر الفراشة وهم تام

كل شيء ماشي ف مساره بحرفة عالية السكوت قبل الكلام

الحروب زي السلام

الساعات بتدور في جسمك زي ما تدور في الساعات والحاجات اللي إنت قولت ياريت تلف مكان حاجات كل شيء له سر كامن في الوجود

كله ماشى فه الحياة وموجود

التوتر الهدوء المساواة والفروق المظالم والحقوق الأغاني فوقت ما الغرق أو النجاة الرحيل أو الرجوع المقابلات المفاجئة الصدف والانبهار الثبات والانهيار يوم ميلادك نشأتك

لخظات وقوفك مكتبتك كسرتك Mktbtk

لو كنت مولود فه العراق شحات وتاريخ وفاتك فه اليونان تاجر هتلاقي كنز ف أرض ف البصرة تهرب معاه ف سفينة لأتينا كل شيء مولود معانا وماشي بينا كل شيء جواك بيشبه شخص چاك إحداثيات مختفية هتمشي للآخر معاك كل حاجة وليها حكمة بس تفهم إن كل الفيلم كان شايل الجوايز إلا بطل الفيلم ضحى قصاد خلوده

إلا بطل الفيلم صحى قصاد حلوده وإن قدر الشخص حاصل رغم عنه وإن سيرة الشخص ف غيابه ووجوده فيلاله كلله

إنتي صعبة

زي شعور واحد مارقصش بقاله سنين وبيحضر أول حصة رقص زي سؤال خارج من أي كاشير في Starbucks

سهلة

زي إنه يحاول يرقص صح و يجرّب من غير ما ندينه زي إنه يقرر مايردش على أسئلته و يكرر طلبه «كابتشينو»

متشائمة

زي إنك تبقى هدف قناص من يوم تعيينه وهو بيضرب مابيغلطش زي شعور لاعب سنغالي طلعتله فرنسا ف أول ماتش

زي الأول مرة ومن غير أسباب يطلع نظر القناص مهزوز زي شعور نفس اللاعب ٢٠٠٢ بعد السنغال ما تفوز

## شكاكة

زي غزالة بتتعرف على سبع فه ساحة كبيرة زي احتمالات السُّكْر لشاب لوحده قدام ترابيزة عليها خمستاشر بيرة

واثقة

مجنونة

زي اللي بيطلع فد دماغه يسافر يوم امتحانات زي اللي بتتعرف على دانيال دي لويس فه الشات

عاقلة

زي إنه يقرر يمنع سفره ويروح الجامعة وبكرة يسافر متطمّن زي إنها تبعت وف بالها يقين واضح

إن الشخص اللي بيكتب مش دانيال وإنه الأدمن

حزينة

كإنك بتشوفي رسالة جاتلك مني وكنت بسبِّك

مبسوطة

كإنك عارفة إن شكيمتي الضل (بحبك).

مكتبتك

إيه اللي ممكن يبقي عاقل بين واحد وواحدة بييجوا من طريقين بيقابلوا بعض فه غفلة م العالم من غير سبب واضح وبدون قدر مُعلن يتقابلوا فعلًا

مقابلة ناي لشخص حزين

كاسرين حدود المنطق السائد

والمشهد البائد عن منطق العلاقات

بالتالي كان لازم يسود جنان مطلق

حضن ف مكان غامض أو ضحكة ورا شباك من شمس إضافية اتنين بيستخرجوا من جملة فعلية ـهو بخيال هيـ وفجأة يبقى الكون دايرة مابينهم بس بقى فيه حاجات تتحس بقى فيه أمل فه الجي كل اللي بينهم نيّ، يصبح حقيقة وجد من غير مايعرف حد وبدون مايفرق حد حُب ببراءة وطيش شيء وانكتبله يعيش بطبيعة المجانين في خيال مريض عادي

كان حبها فجأة مكتبتك وقال لها فجأة فقالتله بالتالي: إنت اللي ف خيالي

ولحدهذا الوقت لاكان مابينهم حساب ولاأي شكل عتاب ولا مشكلة في الوقت

بینهم سحاب ناعم معجون بمزیکا وکلام خفیف کالریش

بينهم...

حاجات بتعيش

## هامش

إزازة فودكا مرمية ع الكورنيش وأنا وإنتي بنرقص ف الطريق مجانين هوا ساقع يضايق عسكري في الجيش غريبة البرد ده كله و مش جاسين أنا وإنتي جنان رسمي



في كون مجنون Mktbtk بنسكن فيه

أنا وإنتي كما موال ف و دن مصاحبه هاند فري فلو طولتي ف الرقصة هقولك ع اللي حاسس بيه أناكام ورقة مرمية ف شارع والهوا بيزيح أنا عاشق وهاعمل إيه ومش واصل لـ حل مريح وجودك عندي بالدنيا ف قوليهالي بشكل صريح



الرسالة (٢) منّي ليها



تصبحي على نفسك لقياها من غير ولا حزن ولا متاهة بتبصي لبكرة بعين حرة ومصرة تداوي جراح ماطابتش مش فاكرة الحدوتة المُرة عن واحدة تحب وماتحبتش ومذاكرة التفاصيل الكاملة لحاجات دومتيلها لكن مادامتش تصبحي على شمس ف شخصيتك مجنونة وهادية ومتفاظله من غير ولا رفض ولا مساءلة من غير مايبصوا ف تدوينك

تصبحي مش لاقية اللي يدينك علشان ليكي قلب وماشية وراه وأهو قلبك شاف أحزان ياما، مين زيك لفي حزن اتخطاه الله ياجميل خلقك واحنا، لو شوفنا جميل بنقول الله وإن شوفتك ما املكش إلا اقول إن أنا يشغلني أكون ضهرك أفتحلك عيني لزوم سهرك وأفتحلك قلبي مساحة سير

تصبحي على خير

## أنا مش كداب



وقت أما رميت الدنيا ف ضهري وجيت عندك وقفلتي الباب كان قصدي ساعتها نلم دموعنا ونتبسًم مش قصدي عتاب أنا جيتلك وأنا كل ما فيا بيشوف إنك كل ما ليا ومشيت بهافيش وحياة الحلو اللي مابيننا لو كان فيه شيء حلق مابيننا ماتكدبينيش ماتكدبينيش

أنا قلبي بكل ما فيه شايفك تايه في الرعشة اللي شفايفك بتخبيها متفائل بيكي وحاسس إنك قولتيها بستنى إشارة تكون أي بداية لبكرة وبشوفها بشارة الضحكة اللي إنتي ضحكتيها أنا مش كداب ولا جيّ أقدّم للسايب وجع المتساب أنا جاي عشان بس أقولك بزيادة غياب وإن كان فاضل ليا محبة لو فاضل حب ولو حبّة اسمعي مني كلامي وحسيه أنا مش طالب إلا وجودك

حنني والنبي قلب جنودك عينك ومشاعرك وردودك وافتحي بابك اللي قفلتيه أنا عمري ماخدت فرص من حد ودفعت الأتمان الكاملة أنا عمري ماقولت ياريت لو كان نرجع لزمان ولا فكرت فرايه هيكون من بعد ماكان بس الموضوع المرة دي يستاهل أجرب من تاني أنا مش عاوز أقدم أسباب أنا جي أقول أنا مش كداب فغيابك مهما مشيت ورضيت وعملت صحاب وأغاني

وبيت

هفضل مكسور مها اتلميت هفضل شارد مها اتونست ريحتك روحي بمشي ف أوقات والليل واسع والناس نايمين والخوف لاسع بتخيل إيدك مسكاني

ببعيل بيد الضحك وبشوف قفلة عينك فه الضحك زي ماكنت بشوفها الأول أتمنى الحاصل ده يطول تتحرك مزيكا بسيطة المناف اللي المعلقة المناف المناف

أقفل على إيدي بلا إيديكي يوجعني حنيني ويخنقني دي أول مرة وعهد الله أطلب من حد يصدقني لو كنت آذيتك أنا آسف آسف على قد مايرضيكي وإن عشت حياتي بقدم أسفي ومايكّفيش هافضل أقدمه على قد ما ربنا يديني فه الدنيا وأعيش وإن كنتي أذيتي أنا مسامح أنا جايب بكرة أتفاوض بيه على حصة وجعك في امبارح باتخطى سنين ضاعت منا من غير ما أدخل حسبة تفاحتك والجنة

Mktbtk

وبشوف الصح اللي أنا ممكن أعمله دلوقت إني أوقّف ماراثون الوقت وآجي لحدك وأطلب فرصة فرصة ياست الستات تاني لياوليكي ربنا له حكمة يجمعنا وعشان كده كل ما نبعد بلاقيكي كل مانتخاصم نتصالح لما توافقي هيبيع جواهرجي فيوم خاتم هيجيب مأذون عشا لولاده هيزيد مشروب وهيبقي اتنين ونضيف للدنيا اتنين عشاق

وإن موافقتيش فيه رزق هيبقى انتهى مقطوع وانتي مترضيش تقطعي أرزاق

بزيادة العند اللي فه طبعك بزيادة الخوف اللي متابعك أنا مش عاوزك في رهان بايخ ولا جي أبيع سهم ف بورصة أنا جاي أقولك أستاهل آخد فرصة صعبة عليكي؟ فین کرمك فين فرط إيديكي ده إنتي كريمة وقلبك سابقك وأنالسه حبيبك ومصمم ياهتقبلي حالًا بيًّا ياهعيش باقي حياتي بخانقك وهخانق كل اللي يفكّر بس يشاغلك



أنا قررت إن إنتي توافقي ولغيت كل احتمالات الرفض إنتي الست اللي أنا بتمنى تغلبني التجاعيد في وجودها وابقى معاها واحمي مقامها إنتي الست اللي أنا مش مكسوف أنحني أو أعيّط قدّامها وإنتي الإنسانة اللي أنا موجود علشان تتحقق أحلامها وعشان ألحق حبل غرامها لو تاه أو داب أنا جيّ أطلب إيدك منك يا ذنوبي اللي القلب بيستغفراك عنها لو تاب Mktbtk

والله بحبك وهحبك وأنا مش كدًّاب

شائ بحليب في النزهة الجديدة



أنا ماتفهمتِش صح ولا مرّة الناس كبيرها تبص من برّة بيشوفوا لبسك وشكلك يحسبوك عايش وما دُمت عايش تبقى فُلّ الفل مادام بتضحك يبقى كله تمام الجيب فيه قرش تبقى عم الكل والقلب عال ومصالح الأيام وأنا طول حياتي بواجِه الأزمة أزمة شعوري بإني مش مفهوم

Mktbtk

بيقولوا واقف يبقى مش واقع ويقولوا عنده يبقى مش محروم ويشوفوا طبعي يقولوا دمُّه تقيل مغرور وشایف نفسه متکبر مع إني طفل وقلبي طفل وفيًا شخص جميل مش ذنبي إني غصب عنِّي أبان لهُم أكبر جمعوا من بين الصفات كل اللي مش فيّا شكيت فنفسي وقُلت أنا الغلطان حاسبت روحي فد حاجات ما كانتش في النيّة وجلدت ذاتي كإني متهم هربان الناس بقِت معدومة التمييز وأنا قلبي صافي وعنده أي حد عزيز وعيوبي باينة وعارفها واتقبل بيها وإن يوم غلطت بالوم نفسي وأصحيها

كان قلبي واضح وصابح زي عود أخضر جيتكم لقيتكم بترموني بذنوب أكبر ده طبعه حامي وعامي روحه عن غيره وده طبعُه قاسي وناسي ناسه من خيره وأنا بيتي أوسع من بيوت الخلق محدوف لظني وظني خانق خنق وحضني مفتوح للي حابب بس أكون نفسي مريض بنفسي اللي خايفة مش مريض نفسي ونفسي بس أتفهم بين الضمير والحلق ليلة ما أبويا اتوقى قالوا شديد ثابت وشادد نفسه قلبه حديد وأنا كنت يوم ما اتوفى ماشي وراه فاكرُه مكسِل يمشي ف رَفَعِناه وإن حد قال لي ده مات أنا كنت أموت فيها أنا كنت عينه و دراعه و كلمته و عَصاه

أبويا وأناكنت والده وكنت أنصاره وربطني حضنه اللي لو مش ليا هختارُه وكان جذوري وأساسي ونبتتي ف الأرض تلسعني شمس تزيد الشمس فسارُه الناس تاخدني بحضن أقول أنا استكفيت جاي من ضلوع اللي كان البيت ف قلب البيت اتهموني إني عديم الدمع والإحساس وأنا كنت يومها باعزي نفسي قبل الناس والناس تقول البقية فحياتك أقول ماهي حياته أنا وحدي ضل لعشيرته وناسه وإخواتُه ويوم وفاته اتولد جوايا ومشيت بيه ف الناس بتبكي إزاي وأنا أبويا فوفاته؟! وقف بياخد عزاه بإيديا وأنا بنعيه



وانا يوم ماسِيبت حبيبتي قالوا ما مالش ده كإنه لسة عارفها من كام يوم خرج سليم وأديه ماشي ف طريقُه يحَّب وأنا وكنت والله باركُض دمعتي بتشَّب بتعود لعيني عشان مايشوفش دمعي الناس مع إن حُزني لغاية الرِجْل لما تدَّب قالوا استقر ومر وعدى مش مُهتم بيعايروا واحد بواحدة بتجري مجرى الدم ويشوفوا إنه معتزل علشان يكون رايق ومش عشان مكسور محتاج يغيب يتلم أنا كنت إيدها اللي نقّت وردة م البُستان وكنت بارفانها اللي عامل هجرة للفستان وكنت لونها اللي باقي فعلبة الألوان وهي كانت أهم فرأي حاجه أهم

أنا وجعي فيها مايتصورش بدموعي وهروبي ليها مايتغيرش برجوعي ف الصمت أبلغ كلام ممكن أكون قُلته في واحدة ماشية وسايبة وجعها في ضلوعي أنا شخص أبسط كتير م اللي انتوا شايفينه وحكايتي أسهل كتيرم اللي انتوا حاكيينه وإن كنت حتى مش الشخص اللي عاوزينه ف ماستحقش تقولوا عني مش إنسان أنا قصدي أقول للي جاي يصبر عليّا يومين ويمَد إيدُه في روحي يداوي جرح سنين وأنا وعدي أشيله في عنيا وابقى شهم أمين كتبتك وأديله روحي إن طلبها المسلم ا

أنا شخص فيّا الرجا مكسورلي نُص زمان وكل أملي إني ألاقي نُص أكمَل بيه بدأ المُحب يجرِّب الأشياء بطبيعة الاتنين وكل شيء واحد أصبح جسد بروحين تتقسم التفاصيل فرعين لنفس النيل ويبتدي العالم يصبح حاجات بالنص أول كتابة ذكريات بينهم شيء انفلت منهم ببساطة الفلتان فاستكشفوا الألوائط Mktboth

واستكشفوا الدنيا بمهارة الإنسان نها مابينهم ليل وكلام بسيط وجميل وأغاني وشوارع نها جدار منقوش واتنين مابيحبوش إلا الحاجات مع بعض إلا اللي كان بيسر نها مابينهم وعد والوعد، دين الحُر

## هامش

هل كان الوقت اللي جعلنا مانشعرش ببعض هل كان الحزن؟ الخُوف؟ قصر الشوف؟ ولَّا الأوجاع اللي بتجبرنا نخُش الڤتارين؟ بنبُص لروحنا ومابنسألش عن روحنا اللي بتسكن أجسام تانيين إحنا الأشخاص اللي بنهمل أصحاب الفضل إحنا الناسيين المتجاهلين الأنانيين بنصب القهوة ونسمع فيروز من غير مانشوف فيروز ف وجعها بتشرب قهوة وتسمع مين!

الرسالة (٣) منّي ليها



وحشاني ووخداني الغُربة وحرماني وصال وهاقولك إيه قد اللي اتقال وأكيد مهم كلامي اتلون واخترت اللي يوصل ألمي فيه حاجات حاسس بيها ومش هاعرف أدوّنها بألمي زي غيابك زي مابيني وبينك طيران وبحور وغيطان ومسافة السكة اللي مابيننا مش قد السكة اللي مابيننا بس أعمل إيه؟ مانتي واصلك قصيبي من القول

البوح خوّان واللي أنا ليا ليالي بحوش ف كلامه عشان يتقال اتبخر أول ما كتبت ازيك ف ازيّك

يمكن تضيق المسافات بعديها وازيّك

يمكن يتغيّر شيء فه الحاصل ونقرّب وازيّك وإنتي بعيدة وأنا متغرّب

توصلي آلامك في غيابي زي ماتوصلني سعادتك وإنتي معايا لكن علشان بكرة تقولي

الراجل ده مكتبتك عمره مابطل يدفع أغان المراجل هم المراجل ده مكتبتك

وعشان وإنتي لوحدك في الليل يرتاح قلبك للشخص اللي إنتي راهنتي عليه وتحسي أمان في عنيَّه وتقولي تمام تبقي على يقين إن أنا درعك في الحرب الدايرة مع الأيام وبإني الخطوة الممدودة في أحلك مشاوير تصبحي على خير



عن القراق



أنالو هاقول ع الفراق هابدأ كلامي منين! والشعر قال ياما عن الفراق بالعين وقال كلام أكتر عن برد صاب الإيدين والشعر قالع الفراق إنه الوجع بالليل وإنه البكا والسهر وإنه السلف والدين وقال فراب علته «إن اللقا فراقين» أوقات خسارة بفوز أو نصر بهزيمتين وكتير كتب ع السبب أو مين مودِّي لفين الشعر وصف اتنين كانوا زمان واحد لكنه ماوصفش واحد Mktbtk كمّل حياته «اتنين!»

من بُنِّنا المظبوط لضحكناع النيل من حضننا المبسوط لحضننا في رحيل ومن عيال جدعان بيعيطوا بالبعد رجالة أيوة صحيح بس إحنا مش تماثيل! الراجل العادي وقت الفراق (عادي) يعني البعاد ده نصيب والركع البادي ويقول لها آسف وأتمنى ليكي الخير

ويقول لها آسف وأتمنى ليكي الخير وأنا ماشي وأنا عارف إنك هتبقى له غير ويروح يكمّل سير مع واحدة بتنادي ده الراجل العادي!

أما الرجال بصحيح وقت الفراق بتموت العِشرة ليها جلال وعبة بنت بنوت فرمان بهذا الشكل م الصعب تلقى شريك فرزمان بهذا الشكل م الصعب تلقى شريك نادر تلاقي بنات جدعان ويبنوا بيوت

بس اللي له أثره والعامل المشترك اللي البعاد كسره وسابه بيفكّرك هو الكلام بينكم ووصفكم للبيت وشكل أوضة الولاد ولون دهان الحيط ولوي دهان الحيط بتحب تاكل إيه وهي شاطرة فه إيه

والحضن وقت الشتا وحبيب إيديك فه إيديه سألني صاحب وقال: إيه أصعب الأشياء؟ قولت إن حديروح وتبكي منه عليه

طمنيني..

عاملة إيه؟

كلميني عن حياتك يعني عاملة إزاي بدوني لسة بتحبي الشوارع والمطر والمبلولين؟ لسة بتحبي العيال الشاعاتين الطيبين؟

لسة بتحبي المراسلة بالحنين! مش هاقولك إسمه إيه مش هاقولك هو مين إحنا بنكمل حياتنا بناس أساسًا حلم غيرنا غيرنا بيكمل حياته بناس أساسًا حلمنا لولا إني بجد مؤمن كنت أقول ده حرام بجد بس أنا عمري ماباكره شيء يجيبه ربنا باسم كل الناس معايا المجروحين فه القلب جرح باسم مَن بص ف مراية شاف ملامحه ناقصها شرح نخل شوقنا جريدة خوفنا .. نخل رامي الحزن طرح كل واحد ساب حبيبه ثم كمل شيء بدونه كل واحد مهما يضحك بال

تلقى فيه دمعه فرعيونه

الفراق قسمة ونصيب واحنا مضطرين نسيب الفراق والله لعنة نشكي للرحمن وجعنا نحكي للناس دون مانجرح لو خدعنا أو اتخدعنا اذكروا حُسن اللي سابكم وأوعوا مرة تشوّهوه واخرجوا بره اكتئابكم واحنوا خوفكم واقتلوه واضحكوا يمكن تلاقوا حلم بكرة تكملوه



## مقطبیادة ماکتبهاش نـزار ماکتبهاش نـزار ماکتبهاش نـزار



كلمة بحبِّك فداتها اختبار مش سهل دي كلمة صعبة وعصية وجاية بالعافية كلمة وراها بيوت وحنين وتر مكبوت وعيال بتشبهلنا فالصورة قبل الصوت ووراها شك وشوق وعناد مالوش آخرا ووراها حزن وخوف و كلام عبيط سأخر

كلمة قصادها الألم بيلين ويتأخر وتلاقي نفسك فالحظة وسط عزوة وأهل والأمر ده مش سهل مش سهل أجيلك وأقولك كلمة واسحبها أنا سيرة مش ولا بد وسنين غلط وصواب أنا جوة منِّي ضباب راجل حزين واتساب أكتر ماساب بكتير فقد الأمل بالألم ولقاكي بان له ضمير فإن كنتي هترديه

عدّاكي عيب واتنين تبتك وإن كنت هتطاوعيه وإن كنت هتطاوعيه تاخدي الثواب ثوابين

وإن كنتي هتضميه وتكوني أم وأب هيكون عشانك سكن وحاجات كتير تتحب راجلك فوقت الضيق وصديق مابعده صديق وطريق إذا مشيتيه هتلاقي فيه نفسك الشُّعر مابيديش إلا اللي حب وداب وأنا طفل مابيَدِّيش إلا أحضنك ف غياب أقصُد تجاهِك باب وألقاكي مش قافلاه عايزك ومش عايز غير ضحكتين لله جايلك بأقول ياحياة وبأقول تكوني الجي نظرة عنيكي نجاة تبتائ ودليل بإن أناحي Mkththe and welle إهمال وجود الضي

ف إزاي عنيا تضل لو حان وبان ضيّك بسأل على نفسي فبقولك إزيّك

كان نعمة من ربنا زيك يفوت من هنا ياللي إنتي مش زينا إذاي لقيت زيك إزاي لقيت زيك وإزاي بحبّك كده؟

أنا عمري ماتخيلت إنك تكوني إنتي أول ماشوفتك لقيتني يعني مش طايقك عمال أضايقك كإنك حد تاري معاه وإنتي الصراحة كمان

لاكنتي حباني كتبتك ولاكنتي حابة تشوفي هزاري وجناني ولاكنتي عايزاني ولاكنتي عايزاني

1.4

تشوفيني ماشي طريق عشي ف طريق تاني فجأة بدون أسباب لقيتني بمشيلك ولقيتني بحكيلك كل اللي ماحكيتهوش ولقيتني بآمنلك ولقيتني بقى منك أو حد من ناسك وأنا يعني مش ناسك فه الحب ولا قديس أنا صوفي مش ماسك إلا فهدوم إبليس فأنا يعني مش ولا بد وتاریخي مش هو

لكني والله كما طفل من جوّة دماغه زي الحجر ويبان فه طبعه عنيف و لحظة يقلب مطويهه

وتلاقي روحه رصيف

عيل ف أصله نضيف محتاج شوية شغل وهمتك وياه

أهو صلّحيه وخديه

على قد ماتساعديه وتحطي أملك فيه على قد ماهتلقيه بينقي أخطاؤه

فيه حد جايلك هنا

واقف بأوراقه

ف إيديه كتاب ربنا وف قلبه أجزاؤه

بيحلفك بالأمل

وبفرصة ما أخدهاش

تنسيله ذنب اتعمَل بجريمة ماعملهاش

وتكوني ستر وغطا

وكفوف تضم ب وتبتك

وتكوني جنب ومع Mktbtk

ف زمان بعكس وضد

وتباني شمس فاشتا وتكوني برد فرحر وتكوني أول بر أرسى عليه ومخافش أنا عندي هنا كفين ولا زلت مابسقفش طاوعيني من فضلك أنا جاي أفضفضلك وجاي طالب وجودي فربيت يكون بيتِك وجاي أقولك بإني لما حبيتك حبيتني فيكي ولقيتني أب شاف بنته وبقيتي كفه وعينيه وصحابه وسفينته وأنا يعني مش هاكدب

ولا هاحكي أي خيال بكرة هنتخانق وهيبقي بيننا عيال واكيد هيتغير شكلك وتفاصيلك وأنا برضه هتغير شكلك والله المسلك

هبان كده قصير وتخين بنضارة وهلاقي نفسي باطلع همي فرسيجارة ويلعن الأيام وباقول ماكنت جميل ويجوز تعاقبيني وتشيليني غسبل ومافيش فه إيدي ضمان أطفالنا يبقوا جمال لو يعني جيبنا عيال ومافيش معايا جبال من وهم ابيعهولك لكن فه قلبي كلام محتاج أقولهولك أنا جَي بحلفلك إن إنتي مالية العين وإني مشيت جيتلك ماعرفش ماشي لفين وإني بحبك وناوي أبقى بطل الفيلم أرجوكي لا تزعلي من شافك طب وقوليلي هل تقبلي في المناك يكونلك أب؟

الرسالة (٤) منى ليها



تصبحي على نفسك مرضية متفائلة وطيبة وقوية وكسرك مجبور تصبحي من عالم فيه عتمة لعالم فيه نور أنا آسف على آخر مشهد ومكانش فربالي إنه هيحصل كل ده بيننا وإنت ف عيني الزاد والزواد وإنتي المنة وإنتي الفرصة اللي أخدها شيطان يدخل جنَّة أنا مش زعلان منك بالعكس أنا عارف وجعك ومقدّر Mktbtk ومسامحك على كل التجريح

عارفك إنك عود فُل رقيق ماعرفش يقاوم سطوة ريح برضه اللي حصلك مش عادي واللي قابلتيه ما يفوتش بدون مايسيب أثره فرعين ماشيين ف طريق غير بعض أحسن من فرعين اتكسروا إحنا الاتنين كنا ضحايا لظروف بتدور فينا رحايا من غيرك لكن جوايا أحسن من جنبي وبرّايا وكلام الشُّعر إن كان موزون عمره مابيهون ويطيب بس أنا معنديش سلاح غيره

أتصرف يعني إزاي طيب Mktbtk

فيه حاجات مايحسش يوجعها إلا اللي عايشها وجربها والست إن بانت كله تمام فبيبقي على حساب أعصابها فيه حاجات بتموّت أقربها سكاكين الليل لما تواجهك وتسيبك ليك ف غابات تفكير تصبحي على خير

## هامش

عمالة تفكر فيه مع إن شكلها متماسك من برة ماعرفش إزاي فيه ناس بتحن لناس قتلوهم كذا مرة؟

فيه حاجات كتير بينهم غابت قصاد عينهم زي اختلاف المسمى واتفاق الاسم أو زي فرق المكان والقرب والخذلان وقد رأى الاثنان بعض الملايكة ف بعض بالتالي كان لازم يحصل مابينهم شرخ يا يجملوه أكتر يا يوسعوه أكتر مع كل يوم بيفوت يظهر خلاف أكبر وتبتدي التجربة Mktbtk تستنزف التجربة







المرة دي بالذات حاسس كإني بتولد تاني بلمس بإيدي أول الأشياء باتعلم الأسماء بانسى اللي شوفته فه الزمان الصعب ضيعت عمري قبل ما أقابلك بصى ف عنيا وإنتي هتحسّي أنا شفت إيه فالدنيا دي قبلك أنا كنت مش بلاقيكي أنا كنت بهربلك

تلاتين سنة عطشان وماليش سبيل للمي شباك قديم مقفول ماصاحبش خيط الضي أنا كنت رايح فين بدون كفك وكنت من غيرك مستني إيه م الجي عجِّزت بدري يا حلوة وقابلتك لو ليكي رغبة تحبي شاب عجوز محجوز فعمره اللي انسرق منه مخنوق بحبل العالم السُرِّي ومخبِّي وحده العالم السِّرِّي ومسمي قلقه المنطقة الدافية كان ماشي يضحك بس بالعافية أول ما بنتي يابنتي فتشتيه خرجتي منه ضحكته الصافية

Mktbtk

وكإنه نايم زي مصري قديم ف مقابلة السياح طائر بقاله كام سنة ع الأرض وعنيه بتدمع عند كل جناح قوليلي إنك جاية مش ماشية أو ماشية جنبي عشان أكون مرتاح أنا كل أملي ف الحياة إنتي اتنين فه واحد يعملوا المشهد أشهد بإني كنت من غيرك مفتاح يتيم الباب بيتمسك ساعة دخول الوقت وبعدها يتساب واحد حضوره غياب ودنيته تكرار

عابر مابين الماء وبين النازيتا طيب كإنه أول الأسرار

وحزين كإنه آلة بلا نوتة

أمله يشوفك بس مبسوطة وعنيكي ضحكة شباكين للنور أمله ف كمان يعرف يقول جملة لناي مكسور أنا بين هروبي وبين علو السور أملى فإنك تبقي علشاني حاسس كإني باتولد تاني كل الل جالك من كلام الناس إني بلا إحساس وإني جناين من بنات سابقة وإني سرقت الأمنيات سرقة أو إني مجرم حرب أو هارب ضميري منزوع الظهور ووقتي محفوف بالتجارب

كانت حقيقة وصدقى قولهم والتمسي عذر لطفل بيحارب واحد نزف جرحه وماحدش حسبيه من غير ما حد يحط نفسه مكاني و يجرب وأنا كلي متباع إيه اللي ممكن أشتريه لا هسوق مبرر عن جرايم حزن ولا أقول ملخص ع اللي عايش فيه نفسه اللي شافك وابتسم عيل كان شخص تاني قبل ما تقابليه سامحيني حتى ع اللي كان قبلك آسف لإنى مشيت مادورتش اخترت وجعى لما ما اختارتش وأديني جيتلك إيدي ممدودة وحياة مشيئة ربنا فيكي ماترجعيش الإيددي مردودة ده أنا كل صبري ف الحياة دلوقت إن إنتي موجودة Mktbtk

وكل طلبي ف الحياة تراضيني ع الدنيا أذا الصايع عديم الاهتمام بالحب خرجتي مني حد ماعرفهوش وصحابي مش فاهمين إيه اللي غيرني أنا كنت عادي لا شاري ولا بايع وأهوه يعني لا أكسر حد ولاحديكسرني لولا شعاع الأم ف عيونك هو اللي فكرني بصيت بعيني بصة على قدام شفتك فبيتي بتفرشي الأحلام وترتبي التفاصيل بتسندي لو أميل وبتحضي لو أمّل عواجيز معًا بيمروا تحت الشمس وبيمشوا ضله و ضل

بيشاركوا بعض السينها والشارع والأكل والحواديت طلعت عيونك توأمين عفاريت خلوا المحارب يتقلب عصفور طلع الكلام ع الحب مش كدبة وطلعت ضلمة بتحتمي بالنور أنا أهو باحبك باعترف وبأقول وأنا أهو بأريدك وآجي فربريدك ادفع حياتي مهر وأنا مبسوط يكفيني نظرة ولمسة من إيدك والشعر كله لا يكفي ولا يوصف وغنايا كله لا يوفي ولا ينصف من حب يعمل فعل مش يحلف وأنا أصلي راجل وإنتي عارفاني أنا مُت قبل ألف مرة بجد وأديني جايلك أتولد تأيي م



كما يليق بوردة



لو كان بإيدي يارب أتحوّل كمنجة لو كنت أقدر أكون جنينة أو مطر لو كنت أغنية يارب أورواية كنت هاعرف أعبر أكتر عن مشاعري يعمل إيه دلوقتي شعري لو حاولت أكتب قصيدة عنّها؟ إنت يارب خلقتها

وادتني شعر ما كفهاش إزاي أقابل زيها وماكتبلهاش

آدي حکمتك طلالی Mktbtk

دلوقتي وأنا قاعدهنا ف مكان بسيط يشبهلها مستني أي بداية تنفع عنها ولا زلت غرقان من سكات عمال أفكّر من ساعات بشرب ف شاي ومسكنات واكتب كلام وباشخبطه آدي اللي قضي طول حياته بدون حوادث جاتله واحدة تخبطه وتلخبطه وتفنطه يرجع جديد وأنا مش حديد يارب بنال بالعكس أضعف من قلوب الأمهات

بالعبس اصعف من فاوب المسر أنا بيت مقفّل بس كُلِّي بلكونات

إنت يارب خلقتها شجرة وخلقتني محتاج لضل وأمنيات ليها مزاجها الخاص خوفها وحزنها وبراءة بتخلِّي الحاجات ترتاح لها ماشية بخفة على الحنين وكأنها حضن المطار بعد الغياب لسنين أمشي ف الشارع لآخره وإنت تفهم هي مين سلة النعناع فد حجر الريح أو صوت موسيقي قديمة فييوت من خشب باقول لنفسى: إنت محظوظ الحقيقة تلقى طيفها فه المكان اللا مكان جوة شارع شك وكباري انتظار وقل:

الفجر عربون النهار

إنت وجمالها وحزنكم قاعدين فركن لوحدكم اتلو السلام على حُسنها واعزمها على شاي بالحنين واعزمها عن طفل إنت هو احكيلها عن طفل إنت هو

عن سنين مرت عليك زي انتظار أهل المسافر ف المحطة واحكيلها عن أمك

عن فوبيا الأسانسير القديمة

وعن برشام ملازمك من خمستاشر سنة واستخدم (إحنا) مكان (أنا)

أو

زي راجل قولها إنك بقيت محتاجلها وإنك تحب تموت فبيت من حضنها

Mktbtk

ساعتها قُلت:

باحب شبابيك الخشب أكتر وأحب ألوان المعيشة دافية أكتر كلب طيب ف التراس بورترية ف الصالة من فنان صديق وبخور مفاجئ عندباب البيت \_ما أفسدتهُ العلاقاتُ القديمةُ، تُصلحهُ أحلامٌ جديدة طيبة\_ على أي حال

> مهتم أقول كلمه أخيرة للتاريخ إنتي أجمل ست فالعالم عمومًا أو عمومًا إنتي ألطف ما رأيت بنت/ بیت

> > حتى بعيوبك ياستي

عصبيتك المدهش فأيام عزلتك وأنا اللي خارج من جيوب حنيتك باضحك لأيامي اللي جاية هاكتب كدة خارج حدود الشعر بلا اهتمام بالمجازات العريضة والكلام المستعار إثبات لقدرات الكتابة

لينا شعرا يعملوا الأشياء دي أجمل مني بكتير الحقيقة أما أنا

ف هاكتفي بسذاجة العشاق وعشان (بحبك) هي أبلغ شعر يتقال عن (بحبك) هاقو لها صافية مجرَّدة لو كان بإيدي يارب أتحول كمنجة كنت هافرح لما إيدها تشدني

وأسكن ف أعلى كتفها وأقول بإني بحبّها

مرة يارب وبعدها أروح لحالي فيه واحدة أبعد من خيالي أقرب إلى من حبل الوريك الشعر الشعر يفعل مايريد الشعر الشعر يفعل مايريد الشعر

والحب يفعل في النهاية ما يريد.

## هامش

وآكتر واحدة بتحبك واخدها صديقة من جهلك ماتعرفش إنها ممكن تكون وقت الوجع أهلك بتحكيلها بغباء حبك لواحدة بتجرحك على طول كإنك أعمى مش شايف وجود إنسانة تستاهلك



## الرسالة (٥) منها ليّا



عارف

ودي أول مرة أتكلم فيها وألاقي كلام من أول ما أصحى لحد ما أنام وأنا عايشة ف علامات استفهام طب ليه؟ طب فين؟ إزاي ومنين؟ واسأل عن مين فارق أو ساب وببُص بحزن على الواتساب وأنعي رسايل بيني وبينه

وبقول فينه

وأنا عارفة بإنه نصيب غيري

باشتكي للصاحبة اللي تملي بتسأل عنى موجوعة لإن فيه حلم قديم أخدوه مني وسابوني جميلة الشكل حزينة الروح باسهر مش حب ف صمت الليل باسهر قلة حيلة وحيل واضحك مع أول طفل باشوفه معدي مافيش في الدنيا دي واحدة تحب الأطفال قدي ومافيش واحدة راضية ومبسوطة بأبسط شيء وخلاصة أحلامها فراحة بال وقلوب بتحس

ودي أول مرة أتكلم فيها وألاقي كلام أنا مش حابّة العالم خالص فه الأحسن أنام

> تصبح على خيركتيتك وسلام الملام

ولا بدنفهم شيء إن الطريق الممهد غير جدير بالحب وإن الإضاءة الشديدة قد تضر العين ولا بدكانوا يعرفوا إن الحقيقة اتنين بعناية الجرَّاح إذا كان معاه مشرط لا يفوت ف عمق الجرح ولا يهمله طبعًا فيه اختلاف لا خلاف فيه اعتبار للفرق كتبتك أو احترام لتاريخهم الفايت Mktbtk وتبتدي الأيام تمر بينهم هم وتبتدي الأشياء تطرح حكاية أهم العشق بعض الحب والحب في معناه هو اختيار الحياة بشريك مايشبهناش الحب تحويل الألم

لأمل

عشان يتعاش





كل بنت عشقها سابها بعد ما وقّع كتابها كل أهله دابوا منه زي ملح ارتاح في ميه والصحاب أشباح فمشهد شلة رايحة وشلة جايّة سِنَّه وإن كان مش كتير ف اللي شافه مش شوية كل يوم يدخل لبيته ي خلع الرجل البلاستيك ثم يخلع شعره منه ويربطه ف الحيط بالمنتاك

ثم صدره فالدولاب ثم قلبه ع المخدة ثم روحه في الغياب ثم شاف الضهر صدى الهدوم ع الشماعات والمشاعرع النايات والضمير فحهاز تنفس نص عایش نص مات شاب عاش منبوذ غريب شخص مقتول وبجدارة كل حاجة عشقها راحت والقمار ضل الخسارة بنت واحدة لسة جنبه «السيجارة»

Mktbtk

مشهدعادي



الكادر الأول في الأوضة والحزن بيتسرسب من فوق إنسان عريان قافل على روحه وع الدخان وعنيه مقفولة ومفتوحة بفعل التفكير ف ضلوعه فراشة مايعرفهاش من بنت حَضّنها وماحضنهاش بينها في الأوضه في ناس أموات وبفعل الوقت اتقلبوا حاجات فيه ناس ماتوا اتقلبوالمرايات

وفیه ناس کرانیش وحزام ومخدة وضلفة شيش وسجاير وأزايز مية الزووم قرّب منه شويّة طفّی سیجارته فه أقرب ذكري ثم اتنهد وبدوره استسلم للفكرة فاتغطى ونام كان ليل خارجي والمخرج واخد كادر جديد شارع زحمة الضوء خافت وكإنه شفايف خانها الروج كان هو لوحده بيتمشى مغرّب وحزين ومعاه أصحابه اللي تمللي بيكملوا عشرين أصحابه سجايره اللي مابينهم حزن ونيكوتين

يسأل نفسه ف مشهد صامت: هو أساسًا كان مين ساب مين؟ تطلعله كمنجة بدون أسباب مزيكا بتشبه للأحداث كان ماشي ومش حاسس بالناس بيفكّر ف المشهد كله هي وهو أول مرة بيحضنها بجد ادته بوسة ماتقولش لحد أصحابها أزايز بفيونكات وعنيها بنات بتحب تبرق ف المانيكان وفده بالذات مكتبتك إزاي بتقولي إن أنا كداب

أنا مش عاوزة نكمل وخلاص البرد بدونها كإنه رصاص والليل وياها خيال ومكان الحزن الساكن فيه كان بان بينيا قطع المخرج بهدوء على آخو ضوء متسرسب من نور العواميد ثم اتحوّل إلي كادر بعيد داخل كازينو جرسون ساند علي حيطة رخام بيتابع واحد قاعد وحدُه فـ ترابيزة بيفكّر ف صحابه الدخان وبيخلق بنت من الأحزان ويجيبها عشان تقعد وياه أنا لسة بحبك والله يا اللي إنتي حياة تضحكله وهي ف عينها دموع كان نفسه تقول: خلص الموضوع وتعود ويّاه كها كانوا زمان المخرج كان ثبّت مشهد لصاحبنا لوحده مع المانيكان بيفكّر وف إيده سيجارة

وحبيبته

بتخلص فالدخان.



الرسالة (٦) منها ليّا



فيه حالات كتيرة من العياط غير العياط بدموع زي العياط بالانعزال فض المجال والبُعد عن وهم الجدال زي العياط بالفضفضة لنوع موسيقى أو غُنا زي التعب أوقات بعينها من السنة زي الغياب زي السكوت

زي الغضب

تلقى المزاج مع كل يوم له لون وشكل أو حد وقته بيتقسم بين نوم وأكل أشخاص تعيط بالسهر بالشرب مثلاً والغياب بيردوا روح ويسكوا باب ويبطلوا اللوم والعتاب أوقات عياطهم بالسباب أوقات عياطهم بالسباب

فيه ناس عياطها فه إنها بتقول «تمام» وفيه ناس عياطها فه إنها تفتّح كلام وفيه ناس كأسراب الحمام تبكي وماتسبش الأثر وفيه ناس تعيّط بالرجوع للي اتكسر فيه عياط حرير وعياط حجر وعياط حجر وعياط حجر

أعرف بشر بيعيطوا بالاندماج فجأة يحبوا يخرجوا ومايقعدوش مع نفسهم واعرف بشر بيعيطوا جوّه السياج مايشوف دموعهم إلاهما وضلهم واعرف بشر بيعيطوا فد حجر ناس بتحبهم إن شالله يبكوا قصاد قبورهم ع العتب

إياك تظُن الخد ناشف نبقى عال إحنا بنمحي دمعنا زي البيوت فه الهجرة ما بتمحي العزال جربنا نبكي قصاد بشر مش طيبين أهدرنا دمع وفضفضة ضاعوا هباء زي السنين فبقينا بالخبرة بنبكي بدون بُكا ودموعنا صبحوا بينزلوا متنشفين أقدم عياط هو الحياة وإنت بأتب أبسط عياط هو الرضا باللي اتكتب يطلع كلام يطلع هدوء يطلع زهق يطلع شغب وأصعب عياط تبقى حزين وتلاقي نفسك مبتسم من غير سبب. هامش

أَبُص بقلبي لعنيها عنيها جماد ما بيحنوا أكلم ربنا عنها.. تكلم ربنا عنه

## VI

علشان كدة غنوا رفض المحُب حبيبُه يكون بعيد عنه الدنيا من غيرك والشيء ياشيء فيا علشان كدة غنوا وصبحوا أغنية واتعلموا يزرعوا وردف مشاعر بعض فيه كلام جديد اتولد مش زي بنت وولد الم أو زي عشق خيالي بيعشق السماوات فيه كلام جديد اتولد ينفع يشيل حكايات إزاي نراعي الجوح وإزاي نشوف المسافة مابيننا ونقدر وإزاي نعالج نبات نزف اللي كان أخضر الحضن نقل المواجع من مكان لمكان من غير مايتكسر شيء انتقل بينهم وبدون مايبقي جدال بين خلق بيمثلوا علشان كدة غنوا وعشان كدة كملوا



ماخبيش عليكي



آدي نتيجة تخزين الحزن مع الفرحة لمدة طويلة ونتيجة تأجيل التعبير عن جرح كبير أو خوف جارف واحد متردد مش عارف هو كويس أم صابه السوء أبيض لكن خسران الدور زى قشاط الطاولة المزنوق كل ما بيفوق بيغيب م الوعي كل ما يغيب م الوعي يفوق Mktbtk

اللي مخلّي الموضوع مأساة إني ماعنديش أسباب واضحة حزني فلاش باك على حاجة بتاعتي لقيتها معاك وإنت مضيع حاجة تهمك جايز إنها تبقى معايا وادي الدنيا والكادر من الزاوية التانية حتى أنا معرفش الضحك بصوت لساه موجود ولا اتبخر رنة ضحكتي على وضع سكوت وعياطي تملي بيتأخر ولذلك كان عادي الكنبة تعرف عني أكثر م الناس Mktbtk

كان عادي السماعة بتاعتي تصاحبني سنين أكتر منك كان عادي أتعاطف مع صنفي الناس اللي اتزرعت فيها غيطان انفعالات واتحصدت فرمواسم تانية ف طبيعي جهازي العصبي يضل وردود أفعالي تزيد وتقًل أضحك ف جنازة أبو صاحبي واحزن ف خطوبة شخص عزيز اتفرج ع الماتش لوحدي واتفرج على وحدي مع الناس محتاج أرفع أربع طبقات من فوق الأرض الأصلية علشان وقت التعبير عن شيء تسعفني ردودي الطبيعية أنا مش إنسان ضاع شيء مني إنها إنسان ضاع شيء فيّا حتى اللي إنت بتقريه دلوقت كان غرضه قصيدة رومانسية.

تقابليني



كإنك فيلم خمسيني كإنك وردة في البدلة بيرويها مطرعيني كإنك أرض

كإني ف حضرتك بابقى (روائي لا يمَل السرد) أميل لك بس مابملًك أميل لك بس مابملًك أشيل لِك عمري ما أشيل لِك وأغاز لك شعر وأغزل لك

ضفاير شكي ويقيني

أطُل ف عينك استشهد يامزيكا بتتنهد

بواحدة رضاها يحييني؟

شموسك كيف بتتجدد وضلّك طيف مغطّيني أراقبك لما بتشاوري فروقت ماتوصفي حاجة وعارفك لما بتناوري عشان تلهيني عن حاجة وإمتى بتبقي محتاجة أكونلك حضن إن يلزم وأقولك إمتى تحديدًا بإن غرامنا لن يُهزم وعارف إمتى بتبصي بعين من خوف وصوتك وإنتي تعبانة وشايلة الهم يا أقرب من فصيلة الدم ماكونش إزاي بقامهتم

تقابليني وأراقب شعرك المقصوص كإن الليل نقص ساعتين جميل والله ولايقلك وفاتح للخيال طريقين وطول عمرك بتختاري الهدوم بمزاج وعارفة تنقي برفانك كإنه إنتي ياو اخدة العقل من إيده كإنه ابنك

باقولك إيه

خرجتي منين على الواحد خروج زهرة خروج مزيكا من (راجح داود) مثلا بكل مافيكي من ستات فاجئتيني فتحتي الحلم والتأويل وسيبتيني مهرج والسما سيمليل

تقول أمي:

بقالك فترة مش مظبوط تبان قلقان لكن مبسوط ومتوتر كدة وخايف ومش فاهماك تعبت معاك

تكونش يا واد عشقت جديد!
تقول أمي ف وصف العيد
(ياريتك جيتنا من بدري)
وأظن الوصف ده ينفع يكون عنك
ياريتك جيتي من بدري
وخدتي الروح وخدتيني

تقابليني بدون أسباب زكاة عن ضحكتك مثلا كفالة طفل نُصه يتيم هنتكلم عن الدنيا وعن حبي لشهر اتنين وممكن أقول أسامي صحابي بالترتيب وتحكيلي عن القطة اللي ف عيونك ولون أوضتك هاقولك إني متورط بعصبيتي باحب أحمد زكي جدًّا موسيقي نهاية الكيت كات وممكن تحكي عن والدك وعن آخر خطوط الموضة فالعالم وعن حلمك تعيشي فتأرض محدوفة وبيت واسع هنتكلم فرأي كلام وأي كلام فرذاته كلام كلام تافه بدون ترتيب مسافة وقت تسمحلي أكون جنك لأطول وقت

مسافة وقت تسمحلي أكون جنبك الأطول وقت - هتوحشني

- وحشتي القلب من دلوقت وأحط إيديا على قلبي وأراقب مهرجان الصيف أبطل حب إمتى وكيف؟ وحبك كيف فرشراييني!

تقابليني

عشان محتاج أقابلك موت فيه عندي حوالي (ولا موضوع) أحب أفتح كلام فيهم أصالح عمري فه وجودك

وانقح نفسي م الأخطاء على حدودك وعارف إني شيء بائسيس

وإني مصاب بمتلازمة (وحشتيني)

وعارف برضه إني كسول بسيب كل الحاجات ع الأرض وريحتي كلها دخان وعارف برضه إني كمان بشجع نادي مش حباه ياستي حياة ولازم نختلف فيها يا أجمل حاجة ف الدنيا ابتليت بيها وأطيب ركن فه الأوضة اللي جوايا

ف قلبي فيه كذا حكاية وحابب أحكي ساعديني

تقابليني؟



الرسالة (٧) منها ليّا



أكلمك عنى؟

عن ذكريات ف السر مابقولهاش عن ضحكتين ماكياج أو دمعتين ف السر أكلمك عن حزن باقي ومستمر وحلم كسره الوقت والليل والظروف

أكلمك عن خوف بيبدأ كل يوم الصبح

من أول التفاح فر صدري وبسمتي

ولغاية النيكوتين

ومساومة التانيين على جسم مش جسمي أنا التقاء الوجع بالصير ف مراية

جوايا سر ماقولتهوش وكتمته جوايا

أنثي بتمشي بخفة للتلاتين وسريرها وقت من الغنا الفردي أكلمك عن مين؟

أكلمك عن وجع فه الروح أتى منه وهو كان المكان كان الغطا والأمل كان الغُنا المحتمل والمطرة والسيرة وكان شوارع أمل على ناصية الحيرة خلاني جسم قديم كحلي اللي سال فرارتحال بارفانه جوايا أنا الحكاية اللي فشلت تنتهي حكاية

بافرش بروحي ف أوضة تشبهني

فبيوت بتعتبر النساء عورة

وأسمع أغاني بتوصف الثورة وأحضن مكان فرسريري يشبهله إزاي بحبك كده؟

خرج بواقي النصل من ضهري والدم لا هو دمي ولا روج بنات الليل إذاي بحبك كده؟

إزاي بسامحك وعارفة إنك وطن مهجور وإزاي بجرجر زرعتي للبور أنا اللي ما آمنتش بحكيهم عنك وتركتهم ينصحوني وجيت لحضنك ضل والضل لما يقل يدخل فر صلب الجسم أنا اللي مش شايلة منهم إلا شكل واسم كتفتني برغبتي فالقرب والسُكنة إزاي بحبك كدة؟ Mktbik

فرقت جسمي ف عنيك شهوة ودخانه

وفتحت دكانه وعملت حزني مشاع أنا اللي وافقت بكيفها تُشترى وتُباع بأمر والشارع خنجر فضهر الشوق ما أقدرش أبص لفوق أزرع جناين سجاير وسط باكو لبان وأخبي نفسي وحلمي وريحة الدخان أكلمك عنى؟ عن صاحبتي الحيلة عن الوسيلة الغاية والغاية الوسيلة عن ست شايلة ف قلبها حواديت وشرايط البرشام ماسابتش شنطتها إنسانة عرفت تضحي بحاجة حبيتها والدمع لو للخلف.. مقداره يبقى بألف والخوف من التفاصيل خلاني باكرهها أنا خلط بين ضدين أنا الجميلة القبيحة المزعجة المادية

عيني اللي فاتت ف الهدوم الداخلية

بارفانات من ألف صنف ولون قعدة الليل والنميمة حبي للأطفال ورغبتي فضمهم صور البيوت الواسعه من جوة أنا بشتغل علشان ماحتجش شيء منهم أنا بشتري وحدتي وباكتفي بمافيش لو حد قال مالك؟ فبلاش تمُرّ عليًّا وتختبر حزني وبلاش تسيبلي تجربة فحضني إذا كنت ناوي تكون زي اللي جه قبلك وبلاش تسيبلي شريط من فيلم مش متعاش أنا لسة متفائلة باستني شخص ماجاش أنا دنيتي مُتعبة ورصيدي صبر وشوق ولازلت خايفة بجد

من حاجة ماحكيتهاش

## هامش

قول لها آسف راضيها هاتلها ورد وصالحها إنت آخر فرصة ليها وسط كون ظالم جارحها إنت جيّ بدعوة منها لما قالت: خير يارب لما بصت ليك بعينها هي بصت ليك كأب كون بحجم ثقتها فيك كمون بحجم

هي شايفة بكرة بيك عمر آتي تعيشه ليك قلبها جازف وحبّ كون كإنك ضل طيب جه وكل الدنيا حر تبقى وإنت بعيد قريب تبقى عند شطوطها بر قولها كوكب مشاعري عند حِجرك واستقر واللي شفتيه قبل مني جيت أنا أكتبله النهاية في الرواية ألف واحدة وإنتي وحدك فالرواية ثم طمنها بجملة «وعد هافضل للنهاية»



الرسالة (٨) منها ليّا



عارف

لما يكون الليل محاوطك من نواحي كتير

وتبقي عملت خير مرة

ف يتشالُّك ويرجع خير

أهو اللي حصلي وأنا جنبك

كرم من ربنا ليا

كأني دعيته واتقبّل

وقال لي بطلي تفكير مكتبتك

وجودك

مش يادوب فرصة عشان ألقى لمشاعري مكان

وجودك

راحة ومحبة

وفرحة لكل شيء زعلان

كفاية بس فيك حاجة بادوَّر عنها طول عمري عيون لما بابُصلها

باحِس هدوء ونور وأمان

ماتعرفش هييجي منين نصيبك برضه ولا إمتى

قابلتك يومها كنا اتنين

ومن يومها وأنا إنت

بدونك كنت محتاجة

أحس بحُضن دافي وبيت

لأول مرة في حاجة بتحصل زي ما اتمنيت

الحكاية باختصار



بنت أطيب م النهار إيد تغمي عنيك بخفة وإنت بتدوق الفطار أم تعرف تبقى طفلة طفلة تعرف تبقى دار الحكاية عن عنيها سيها صيفى وليل سكات الحكاية عن خدودها ورد نبِّت غهازات کتبتلی بنت مكتوب فيطاقتها إنها كوكب بنات والصراحة قلبي دايب يوم بشّد وعشرة سايب إنتي حضن لشخص غايب إنتي دستة بالونات

أما بخصوص الخناق وإننا فعدم اتفاق وإن بيننا حرب أطول م اللي دايرة فالعراق ده جمال الحب فعلا لعنة الحب بغباء وابتلاء الغيرة واجب دايمًا الغيرة ابتلاء كتبتك وإنتي ممكن أغير عليكي من دفا وشم فإيديكي

من عنيكي لو تغمض ثم فجأة تشوف عنيكي من حاجاتك، بارفاناتك من هدوم علي شماعاتك من كلامك من سكاتك من صحاب ماليين حياتك ف الطبيعي نكون تمللي في اختلاف والطبيعي ف كل شهر يومين عجاف والطبيعي لأنك إنتي الكون بحالة إني أشوفك عكس كل الكون ماشاف

ف الختام

فيه كلام محتاج أقوله بس مش لاقي الكلام فيه حاجات محتاج أقولها وأنتي عارفة إني خيبة وإني بتلخبط ف اسمي وإني باعرق لما أفكر وإنتي عارفة إن إنتي سكر وإني من غيرك وحيد وإني صايم طول حياتي فجأة شوفتك جايّة عيد وإني مش عارف أعبّر أو أبيّن شيء جديد أو أقولك يعني مثلا إنتى نجمة فوق بعيد فاعذريني

واحضنيني حضن كافي حطي إيدك فوق كتافي وارقصي حتي في خيالك تنزل المطرة اللي ساكنة ف غيم جمالك واعذريني لو ف نفسك كلمة عمري ماقولتهالك واعرفي إني بحبك وإني جنبك للنهاية هي دي كل الحكاية.



الرسالة (٩) متى ليها



ودول مش قهوتين دول أنا وإنتي

اتنين غامضين غامقين

بأقل مساحة من السُّكَّر بيحافظوا على وجود العالم بأقل مساحة نور بيضيئوا

فنجان كان ماشي لوحده وقابل فنجان فه طريقه

دول القعدة على النيل

والتطبيق في ميدان لبنان

دول التأكيد إن الذكري بتمحي زمان وبتحيي مكان

زينا واحنا لوحدنا قاعدين بنفكر إيه اللي جرالنا دول الاتنين اللي المفروض يبقوا عيالنا لكن مابقوش علشان دايما نشطب مشروعهم بشروعنا فه تطويل البُعد

دول إحنا ساعة ما نقرر نبدأ واحنا فـ ساعة ما نقرر نخلص مع بعض.

## هامش

الدنيا دايرة مشاعرنا فايرة كل الحاجات ملك وحرمان هات حاجة واحدة ليها لون محدد هات حاجة سادة بدون ألوان نعشق نحن



أحمر نفارق أزرق نقرب بني نعيط أخضر نبان أبيض نفتّح أسود نغمض والبرتقاني هدوء وجنان

الحب زي السهاوات سبعة والسبعة على قلبك سيان

وهاتلي قلب لا داب ولا حب ولا انجرح ولا شاف حرمان

## VII

بس الحياة حلوة بكل مافيها بكل مواجعها وكل غناويها وبكل مفاتنها وكل مقاسيها بس الحياة حلوة حين نفتكر جرحنا ونطيبه بهدوء ونسامح الأشياء بطبيعة الأشياء مابين لقا وفراق كتبتك نمسك بإيد من خوف على ناس يهمونا Mktbtk ونحب خطأ الغير علشان يحبونا

زي اللي بص فطفل يشبهله وفعينه ضحكة لأمه تفهمها زي اللي عنده حاجات بيقسمها مع واحد تشبهله علشان ماتشبهلوش مع واحدة غنالها وكمل الغنوة لسة الحاجات قاسية بس الحياة حلوة.

## تصبحعاجين

رسايل من عاشق لحبيبته

لما توافقي

هيبيع جواهرجي ف يوم خاتم

هيجيب مأذون عشا لولاده

هيزيد مشروب وهيبقى اتنين

ونضيف للدنيا اتنين عشاق

و إن موافقتيش

فیه رزق هیبقی انتهی مقطوع

وانتي مترضيش تقطعي أرزاق